

يا مصيبة اعلى البشر ... فتت حتى الصخر  
وكسرت اقلوب الخلايق هالمسية ... والفجر ينشر حزن بالكاظمية  
والصدى صوت الحزن ... حطم اسوار السجن  
والسحب تمطر دمع فوق الوطيه ... عالمام الكاظم ابونة شجيرة  
والملايك بالسما ... تعزي امه فاطمة  
والعرش بالحسره ينصب له عزيه ... ينادي مأجورة يزهره بالرزية

\*\*\*

جرح الزمن جمر ... وأهاته تستعر  
على امصابه رسول الله تفطر ... وقلب الشيعه من جرحه تكسر  
ما يحتمل صبر ... لو لحظة مايمر  
إذا غاب القمر ليلة وتعذر ... العرش ينحب يصيح (الله أكبر)

\*\*\*

نازل هالمصاب اعلى شيعتنا بزلازل ... من طلعت اجنازة وملفوفة ابسلاسل  
چنه جسر موسى صبح (كالغاضريه) ... بالحسره ياويلي الولي واللوعه شايل  
لو أوصف اجروحه تهد حتى الراوسي ... جسمه تلوى من سياط أهل الرذائل  
فوق الجسر مرمي يظل اثلاثة ايام ... بحسين اذكرنا وشبابه و أبو فاضل

والشيعه تنوح ... نادت بالجروح ... عطرك عالجسر ... يالغالي يفوح  
جرحك يالولي ... بمصابه سفوح ... كلنا ننتظر ... نورك بس يلوح  
وشافو فاجعة ... والناعي نعي ... نعشه جابته ... حماله اربعه  
تنظر بالألم ... جثة املوعة ... فجاة كل محب ... جا له يشيعه